

Message Four

Yawng māyang lawm ai Hkristu re ai kāja ai lāmu ga – hkāraw nhkap, bum shāgawng ntsa hkan nna lwi hkrat ai hka nu hka shi, hka hpaw, hka htung hpring ai ga

Hti na chyum daw – Trj. 8:7, 11:11-12, Yer. 2:13, 17:3-6, Yhn. 4:14b

- I. Gal 3: 24 hta, “shing rai Yēsu Hkristu a mārang e, Abraham a gumring gumrat chyēju gaw maigan māsha ni hta byin wa lu na hte, anhtē mung dai Wēnyi a ga ndat hpe mākam māsham hte lu la na rai nga ga ai” ngu tsun da ai.**
- A. Kārai Kāsang gaw Abraham hpe jaw ai shāman chyēju a myi htē mu lu ai hkrang nsam gaw, kāja ai lāmu ga rai nna (Nn 12:7, 13:15, 17:8, 26:3-4), dai gaw yawng māyawng lawm ai Hkristu hpe shingdaw ai (Kol 1:12). Hkristu gaw jāhtum hta, yawng māyawng lawm ai asak jaw ai Wēnyi hku chyēna lu ai mājaw (1Kor 15:45, 2Kor 3:17), ga sādi jaw Wēnyi a shāman chyēju gaw, Abraham hpang de ga shādi jaw da ai kāja ai lāmu ga a shāman chyēju ni htē rau mären rai nga ai.
 - B. Kāja wa, anhtē a mähkrum mādun hta, Hkristu hpe chyēna hkawnhkrang lam hku na, dai Wēnyi gaw anhtē kābu gāra na mātu, Kārai Kāsang a npaw nya sutsu ai mādi shādaw lam a npawt nhpang hku kāja ai lāmu ga rai nga ai. Ndai gaw Hkristu a hkumhkang mādi shādaw lam hku “Yēsu Hkristu a Wēnyi nhpaw nya mādi shādaw ya lam” rai nga ai – Hpi 1:19.
- II. Yawng māyawng lawm ai Wēnyi hku na yawng māyawng lawm ai Hkristu gaw, “hkāraw nhkap, bum shāgawng ntsa hkan lwi ai hka nu hka shi, hka hpaw, hka htung hpring ai ga” rai nga ai – Trj 8:7, 11:11-12.**
- A. Hka shi hka nu ni, hka hpaw ni htē hka htung ni gaw, lwi nga ai Wēnyi hku Hkristu hpe mādi mādun nna (Yhn 4:10, 14, 7:37-39, Shr 22:1), hkāraw nhkawp ni htē bum shāgawng ni gaw anhtē gaw Hkristu hpe lwi nga ai Wēnyi hku na hkrum kādup hkamsha lu ai nbung ai mākau grupyin amyū myu hpe mādi mādun nga ai.
 - B. Chyum laika yawng hkra hta, māsum lāngai Kārai hpe hka hku mādun tawn ai lam htē seng ai lam mähkrum nga nga ai – Nn 2:10 -14, Pru 17:5-6, Shk 36:8-9, 46:4, Yhn 4:10, 14, 7:37-39, 1Kor 10:4, Shr 7:17, 22:1.
 - 1. Nn 2:10 hta nga ai hka nu gaw, asak hka hpe shingdaw nna, mākau hta hpun tu kāba nga ai. Ndai hka nu gaw, māsha a hpang gāra lam hpe shāprai ya lu ai.
 - 2. Shk 36:8-9 hta asak hka htung gaw, asak a npawt nhpang hku Kāwa Kārai Kāsang hpe mādi mādun nna, hka nu gaw, asak hka a hka nu hku chyoi pra Wēnyi hpe mādi mādun nga ai – Yhn 1:4, 7:37-39.
 - 3. Shk 46:4 hta na hka nu gaw, māsum lāngai Kārai gaw, Hkristu hta, Wēnyi kaw na asak hku, Kārai a māsha ni hpang de lwi nga ai hpe shingdaw ai.
 - 4. Asak hka gaw, Kārai Kāsang gaw Hkristu hta, Wēnyi hku tinang hkum nan hpe, Mādu a hkrang shaw hkam ai māsha ni kāta de, shanhtē a asak htē asak mādi shādaw lam byin na mātu, lwi nga ai a māsat kumla rai nga ai. Dai hpe gāyat hkrum ai nlung kaw na lwi pru wa ai hka hku shingdaw da nna (Pru 17:6, Bhk 20:11), dai hpe Yēsu Hkristu a gālun hkrum ai gārep na lwi pru ai hka htē shingdaw da ai (Yhn 19:34).
 - 5. Shr 22:1 hta asak hka a hka nu htē Nn 2:10-14, Shk 46:4 htē Ezk 47:5-9 hta na hka nu ni gaw, asak a lwi ai lam hta, nhpaw nya sutsu lam hpe shingdaw nga ai. Yhn 7:38 hta, mādun da ai htē mären, ndai hka nu lāngai htē rau, de a sutsu lam ni gaw, Kārai Kāsang asak a Wēnyi sutsu lam ni a, nbung ai hkrang kumla ni hpe anhtē hkrum kādup hkamsha lam ni hta, law la ai hka nu ni byin wa ai – Rom 8:2, 15:30, 1Hte 1:6, 2Hte 2:13, Gal 5:22-23.

III. “Hkăraw nhkawp ni hta, bum shăgawng ni hta lwi nga ai” (Trj 8:7b) hka gaw, Hkristu gaw asak hkrung ai hka hku na nbung ai măkau grup yin hta, lwi nga ai lam hpe mădi mădung nga ai (mădun – 1Hk 20:23, 28).

- A. Hkăraw nhkap ni gaw wudang hpe hkrum kădup hkamsha lam ni, Hkristu a si hkam ai lam hpe hkrum kădup hkamsha lam ni rai nna, bum shăgawng ni gaw, Hkristu a hkrungawt lam hpe hkrum kădup hkamsha lam ni rai nga ai – 2Kor 1:9, 4:44, 14.
- B. Lămu ga a mănu dan rai re ai anhtê hta nga ai sutgan hku nna shănu nga ai Hkristu gaw, Hkristan asak hkrung lam a mătu, mădi shădaw ya lam a Kărai seng ai npawt nhpang rai nna, anhtê mătu, hkrungawt ai asak hpe dandawng paw pru na mătu, wudang ntsa si hkam ai asak hkrung lam hpe asak hkrung lam mătu, grau htum ai dăgu rai nga ai – kăji 7, Hpi 4:13.
1. Pawlu gaw, shi htê shi a măgam gun mănang ni gaw “...anhtê a asak lawt na n nawn lu hkra, anhtê n dang lu ai nhtum nni li ai lit e anhtê hpe dip kămyet ma ni ai, dai hta n-ga, anhtê gaw tinang hkai n shămyet ai sha, si mat ai ni hpe hkrung shărawt ya ai Kărai Kăsang hpe sha shămyet shănat nga u ga, anhtê nan tinang hkum hta si na dawdan gun săga ai” 2Kor 1:8-9.
 2. Kăja wa, hkrungawt ai lam gaw, dandawng lam nga na mătu si ai lam, n-gun yawm ai lam, myit hten ai lam hpe ra ai (kăji 4, 7:5-6). Wudang a gălaw ai lam gaw, anhtê a tingkyeng hpe jăhtum kau nna, dai hku anhtê gaw, hkrungawt ai lam a Kărai Kăsang hpe kăbu găra lu na rai nga ai.
- C. Pawlu gaw wudang a si ai npu hta, hkrungawt ai asak hpe asak hkrung nna, shi a măgam amu hpe gun hpai wu ai. “Yêsu a hkrung ai asak gaw anhtê a hkumhkrang hta dan pru lu u ga, Yêsu a si wa ai lam hpe anhtê hkumhkrang hta tutnawng e dăgraw hkawm nga ga ai” – 4:10.
1. Mai kăja ai lam hku na Yêsu gaw, anhtê hpe ana ahkya shămai ya na mătu htê hkrung wa na mătu, anhtê kăta hta na nkăja lam yawng hpe găloi mung si shăngun nga ai – Hpi 1:19, mădun – Pru 30:23-25.
 2. Anhtê gaw Kărai Kăsang hpe anhtê kăta de hkapla lu na mătu, jăhpawt mănap hta, anhtê hkum nan hpe nyet kau ai shăloi, shăni tup hta, si shăngun ai măbyin gaw, anhtê kăta hta, mătut byin nga ai lam hpe anhtê myit măchyu hkasha ga ai- mădun, Gsh 4:18.
- D. “Kăning rai nme law, Yêsu a asak hkrung ai gaw anhtê a si chye ai hkumshan hta dan pru lu n ga, anhtê naw hkrung nga ai ni gaw, Yêsu a jaw e tut tut si ai de ap kau ai hkum nga ga ai.”- 2Kor 4:11.
1. Wudang a si shăngun ai lam gaw, hkrungawt ai asak a dan hkaung ai lam hpe le pru shăngun ai. Ndai shăni shăgu na si shăngun ai lam gaw, hkrungawt ai hta, Kărai seng ai asak hpe shălawt na mătu rai nga ai – 1Kor 15:31, 2Kor 4:16.
 2. Kăsa ni gaw, dinghta ga ntsa hta, Mădu Yêsu asak hkrung ai asak hkrung lam zawn re ai asak hkrung lam hpe asak hkrung ai. Mădu Kărai a asak hkrung lam gaw, hkrungawt ai asak hpe danhkrung shăngun na mătu, wudang a si shăngun ai npu hta nga ai asak hkrung lam, Mădu a mărai hkum gaw, Mădu a măgam amu htê lăngai sha rai nna, Mădu a asak hkrung lam gaw, Mădu a măgam amu nga ai lădat hta, asak hkrung ai sak hkrung lam rai nga ai – Yhn 6:14-15, 12:13, 19, 23-24.
- E. “Dai rai nna, anhtê hta e si hkrung si htan, nanhtê hta e chyawm gaw, asak hkrung ai gaw a shăchyen nga ai” (2Kor 4:12). Anhtê gaw Mădu Kărai si hkam ai lam a si shăngun ai npu hta nga nga ai shăloi, Mădu a hkrungawt ai asak gaw, anhtê kaw na, kăga ni kăta de, kăran kăchyan ya lam nga ai.
1. Hpung a grin nga ai lam htê law htam ai lam nga na mătu lădat gaw, shinggyim hpung shingkang htê nrai nga ai, dai gaw Kărai seng ai wan hpe lawt kawt shăngun na mătu, wudang ai si shăngun ai mărang e rai nga ai – Luk 12:49-50, Yhn 2:19, 12:24-26.

2. Ga de hkrat ai hkau lam nsi tum hku nna, Mädu Kārai gaw, si hkam ai kaw na, shi a myit asak hpe asum hkam let, dai hku na, hkrungrawt ai lam hta, Mädu a htani htana asak hpe law la ai nli tum ni zawn, lawt kawt shāngun na rai nga ai. Law la ai nli tum hku nna, anhtē mung, tinang myit asak hpe asum hkam yang she, hkrungrawt ai lam hta, htani htana asak hpe kābu gāra lu na rai nga ai.

IV. Yer 2:13 hta, “nye a amyū gaw lam lähkawng hta shut mäsaī, shanhtē gaw, asak hka hpawkw ngu ai, ngai hpe kau da nna, hka n rawng lu ai ntsin htung, gāja wa, ga mat ai ntsin htung, tawkw mänu ai” ngu na tsun da ai.

- A. Kārai Kāsang a mäsha ni shut shai ai nhkru nshawp lam ni gaw, shanhtē gaw shanhtē a asak hka hpawkw, shanhtē a hpawt nhpang hku na, Kārai Kāsang hpe gābai kau ai lam htē Kārai Kāsang hta na kāga npawt nhpang hpang de gāyin mat ai lam rai nga ai.
- B. Ntsin htung ni hpe tawkw ai lam gaw, Israēla ni, Kārai Kāsang hpe mälai tawn na mätu, läma ma (sumla ni) hpe gālaw na mätu, shanhtē a shinggyim seng ai shākut shāja lam hta, pu ba ai lam hpe mädu nga ai. Dai ntsin htung ni gaw, ga nna, hka nchyip ai lam gaw, Kārai Kāsang shi nan, anhtē kāta de, asak hkrung ai hka hku na, kāran kächyan ya hta lai nna, kāga hpa lam raitim, anhtē a hpang gāra lam hpe nshāprai ya lu ai zawn, anhtē hkum nan, Mädu a dandawng lam a mätu, Kārai Kāsang a law htam lam mung, nbyin shāngun lu ai – Yhn 4:13-14.
- C. Kārai Kāsang a ningmu hta, nkāja ai wa, nhkru nshawp ai wa gaw, Mädu hpe lu bang na mätu sa ai lam nnga wa rai nga ai (Esa 55:7). Nkāja wa a nhkru nshawp ai mäsa gaw, shanhtē gaw Mädu Kārai hpe lu sha na mätu htē kābu gāra na mätu, Mädu Kārai hpang nsa du ai lam nan rai nga ai. Shanhtē gaw law la ai lam ni hpe gālaw ai, raitim, Mädu Kārai hpe mäut mähkai na mätu, Mädu hpe la lang na mätu, Mädu hpe hkapla lu na mätu, Mädu hpe chyim yu na mätu, Mädu hpe kābu gāra na mätu sa du ai lam nnga ai. Kārai Kāsang a ningmu hta, ndai hta grau na nhkru nshawp ai lam nnga ai (57:20-21, mädu 55:1-2)

V. Anhtē gaw asak hka hpe lu na mätu htē lwi nga na mätu, hkyēhkrang la ai hka htung ni kaw na, hka hpe ja lu na mätu, arawn alai hpe gawgap la ra ai – 12:3-6, Yhn 7:37-39, Gsh 11:25.

- A. Anhtē gaw Mädu Kārai hpang de, Mädu Kārai a mārang e, Mädu Kārai a mätu, Mädu Kārai hta, Mädu Kārai htē rau, ga shāga ai mārang e, hkyēhkrang la ai hka htung ni kaw na, kābu gārang e, hka hpe hka ja ra ai – Esa 12:3-6, Hpi 4:6-7, 12, mädu, shākawn mähkawn (Myanmar) 147.
- B. Anhtē gaw Mädu Kārai hpe shākawn ai lam, Mädu hta kābu awlaw ai lam, gāloi mung chyēju dum ai lam htē Mädu Kārai hpang de mähkawn mängwi ra ai – 1 The 5:16-18, Hpi 4:4, Heb 13:15, Shk 119:164, Ehp 5:18-20.
- C. Anhtē gaw Mädu Kārai a aming ningsang hpe shāga ra ai – Ksa 2:21, 1Kor 12:13, 3, 1Hte 5:17, 1Kor 1:2, Tgy 15:18-19, Shy 3:55-56, Shākawn mähkawn – (Myanmar) 66
- D. Anhtē gaw kābu gāra shiga hkaw tsun na mätu, kāga ni hpang, Hkristu ngutkre hpring tsup shāngun sai lam hpe tsun shāna ra ai – Rom 1:16, Yhn 4:32-34, Hpi 2:9, 1Pet 2:9.
- E. Anhtē gaw Mädu Kārai hpe anhtē a mäbyin hta, ningshawng shāra jaw ra nna, yawng mäyawng hpe Kārai seng ai mäbyin mäsa htē mären, gālaw ra ai – Shr 22:1, Kol 1:18b, 2Pet 1:4.

VI. Kārai Kāsang a yaw mätsing hku Kārai Kāsang hta, mächyū ai wa gaw, hka hkinggau hta hkai da ai hpun zawn rai nna, dai gaw, Kārai Kāsang hpe asak hkrung ai hka htung hku na shingdaw da ai. Hka hkinggau hta tu kāba ai hpun gaw, hka a sutsu lam yawng hpe mārarp la ai mārang e kāba ai. ndai gaw, Kārai Kāsang yaw mätsing a hkrang sumla rai nna, dai hpe Mädu a Kārai seng ai kāran kächyan ai mārang e, gun hpai ng ai – Yer 17:7-8.

- A. Kārai seng ai kāran kächyan lam hpe hkapla na mätu, hpun ni hku nna, anhtē gaw hka hku Kārai Kāsang hpe mārarp la ra ai (mädu – 1Kor 3:6, Kol 2:7a). Mädi shādaw ya ai Kārai Kāsang a sutsu lam ni gaw, hpung ni zawn, anhtē kāta de kāran kächyan ya nna, Kārai rudī hku anhtē hpe mähkri shawn ya le, Kārai Kāsang a shādawn shādang kāta de, anhtē hpe kāba shāngun nga ai (kāji

19). Ndai lădat hta, anhtē htē Kārai Kāsang gaw lāngai sha rai nna, bung ai dat mābyin, namchyim namta, mähkri shawn ai lam htē hkrang nsam ni nga ai (Shr 4:3, 21:11).

B. Kyuhpyi lam a lăchyum gaw, anhtē gaw, Kārai Kāsang hpe mārwap la na mātu rai nga ai. Kārai Kāsang hpe anhtē mātut mähkai mǎgang, anhtē gaw Mādu hpe mārwap la mǎgang, Mādu hpe anhtē kăbu gāra mǎgang rai nga ai.

1. Shākawn mähkawn lāngai gaw “nga nga ai htē mären” (Shākawn mähkawn (Myanmar) 537) ngu tsun da ai. Ndai gaw, anhtē tinang a māsa lam hpe rawt jat shāngun ai lam (snr) gālai shai na mātu shākut ai lam nre ai sha, anhtē byin ai htē mären, Kārai Kāsang hpang sa ra ai hpe ngu nga ai. Anhtē gaw Hkristu hpe ndai lădat hta lu la nna, ndai lădat hta nan, Hkristu hta, anhtē hkawm sa ra ai – Kol 2:6-7a.

2. Kyuhpyi ai lam hta, anhtē byin ai htē mären, Mādu Kārai hpang sa ai lam rai nga ai. Anhtē gaw Mādu Kārai hpang de sa ai shāloi, anhtē a kăta māsa lam hpe Mādu shawng hta jăhkrat da nna, anhtē gaw mābyin māsa shăgu hta, gawngkya nga ai lam hpe Mādu hpang tsun dan ra ai. Anhtē gaw n-gun nrawng ai, shānut shānat re ai, myit kăji ai htē tsun na ga nnga yang nan, Kārai Kāsang hpang lu sa nga ding yang rai nga ai. Anhtē kăta lam mābyin ni kăning raitim, anhtē gaw dai hpe Mādu Kārai hpang la sa ra ai.

3. Anhtē a māsa lam hpe ahkyak la na mǎlai, anhtē gaw Mādu Kārai a man kăta de du shang nna, Mādu hpe mada yu ai lam, Mādu hpe azi yu ai lam, Mādu hpe shākawn ai lam, Mādu hpe chyēju dum ai lam, Mādu hpe nawku ai lam htē Mādu hpe mārwap bang ai mārang e, Mādu hpe mātut mähkai ra ai. Dai shāloi, anhtē gaw, Mādu Kārai a sutsu lam ni hpe kăbu gāra lam, Mādu a dwi sau lam ni hpe chyim yu ai lam, Mādu hpe nhtoi htē dăgu hku hkapla lu na rai nna, kăta lam ni hta simsa lam, htoi tu ai lam, atsam rawng ai lam htē dăgu nga na rai nga ai. Dai hpang, anhtē gaw, chyoi pra ni hpang, mungga hpe amu gun ya ai shāloi nan, Mādu htē mātut mǎnoi nga ai lam hpe shārin la ai lam nga na rai – 1Pet 4:10-11, 2Kor 2:17, 133.

VII. Yhn 4:14b hta “ngai jaw ai ntsin gaw, dai wa hta htani htana asak a matu lwi pru ai hka hpawk tai na ra ai” ngu tsun da ai.

A. Ndai gaw lwi nga ai māsūm lāngai Kārai hpe hpaw hpyan da ai – (1) Kăwa Kārai gaw asak hka htung, npawt nhpang rai nga ai, (2) Kăsha gaw hka htung kaw na le wa ai hka lam rai nga ai, (3) Wēnyi gaw lwi ai lam re ai hka nu rai nga ai. Māsūm lāngai Kārai gaw, Kăwa, Kăsha htē chyoi pra Wēnyi kaw na anhtē kăta de mung, anhtē a sunghtum ai mābyin kaw na, kăga ni hpang de mung, lwi nga ai – 2Kor 13:14, Yhn 7:37-38.

B. Māsūm lāngai Kārai a lwi nga ai lam gaw “htani htana asak de” rai nga ai (4:14b). Yērusalem märe ningnan gaw, htani htana asak a gumhpawn ai lam rai nna, kăta de ngu ga si gaw “akyu ara le pru lam” (snr) “byin wa ai lam” hpe ngu nga ai. Dai mǎjaw, Kăwa Kārai gaw hka htung hku nna, Kăsha gaw hka lam hku, Wēnyi gaw hka nu hku anhtē kăta de, anhtē htē rau lwi nga nna, htani htana asak a gumhpawn lam hku Yērusalem märe ningnan byin wa ai.